

1480
K




秋潭外集卷第十一

公牘二

請添設民壯烏鎗申文

長陽彭淑



竊惟州縣民壯卽古民兵之遺意是以歲給修埋器械銀兩。如果召募民間武勇訓練有方原足以資捍禦。今每縣民壯不過十餘名多者二三十名隨營操演之例多屬具文其實不過尋常衙役而已卽如吉水額設民壯三十名除奉抽撥一名防護省城司府監外實止存二十九名職抵任後雖於暇時稍加訓練略有可觀然止此額數止此技藝實不足以資緩急之用伏思捍禦

之道烏鎗爲上自乾隆三十一年定民壯演習烏鎗之令續奉

上諭停止五十年四川督憲李恭勤奏准川省民壯揀派十分之六仍習烏鎗五十一年湖南亦奏請演習因部議不准并川省十分之六一併停止迄於今日凡弓箭刀矛技藝皆屬茫然到處情形約略相同職因不揣冒昧請於額設民壯之外再添募民壯五十名由職自行捐造烏鎗刊刻縣名編列字號於上挑選年力精壯之人按期操練閑時分守倉庫監獄城廂巡察等事協同在城防守兵丁互爲聲援卽遞解要犯護送差使亦

責其專司於公事實有裨益惟是製造烏鎗火藥鉛子等項必資工本旣專責其操演與兵無異必須給予口糧核計每年每名須用火藥五六斤每年五十名約需三百斤移營搭配按季捐移工價及修理烏鎗器械添製號衣計需三百餘金每名日給折銀三分每年需銀五百四十兩共計不過七八百兩除每年請領工械銀兩之外自行添捐銀四五百兩則一邑有五十枝烏鎗民壯洵足以禦盜賊而壯觀瞻倘蒙俯察允准施行分別大中小縣捐添三五十名合郡而計不下三五百名合省而論竟得二三千訓練民兵分防於各州縣似亦

今日之要務也

國家兵制分防於各州縣者，碁布星羅，精而不多，州縣專司民社，武備闕如，一旦倉猝防兵，單寡之邑，多致束手，况事歸營伍，非州縣所得指揮，此守土者所寒心也。頃者楚地滋事，賴鄉勇之力為多，假如州縣各有烏鎗手五十名，自成一隊，為義勇之先驅，未必至於墮城戕官，肆無忌憚，若此，合無仰懇大人下採葑菲，或可以不須條

奏俯允通籌辦理，在各州縣以公私之至計，必皆竭力營辦，思患預防，斷斷不至視為奉行故事也。職禱昧之見，是否有當，伏候訓示遵行。

附議詳

爲遵批議覆核示事嘉慶元年六月十二日奉

巡撫部院陳批據吉水縣知縣彭淑具稟云云奉批該縣因聞楚北匪徒滋事議請添募民壯以資捍禦具見隨事畱心殊堪嘉尙不獨吉水爲然各屬均應照辦惟是民壯演習烏鎗久奉

上諭停止今據議一縣製造烏鎗五十桿挑選民壯按期操練有無違礙是否不致別滋事端仰布政司會同按察司迅卽確核妥議通詳察奪毋遲此繳白稟抄發等因奉此該本司等會查得江西省乾隆三

十一年六月內欽奉

上諭崔應階奏東省各州縣所設民壯一概改習鳥鎗教習純熟頗資防守等因一摺所辦甚好地方設立民壯原爲巡緝盜匪防護監倉第日久懈弛漸至有名無實今東省民壯經該撫概令改習鳥鎗董率各屬如法訓練復親加巡查如此經理自可望有成效直省各州縣俱有額設民壯或可做照添改鳥鎗畱心教演用以緝盜匪而禦兇頑於地方亦不無裨益若奉行不力徒爾虛應故事或轉致更張滋擾則又無寧仍舊著傳諭各督撫就各地方情形斟酌妥辦倘該處或有難行之

勢亦不必勉強從事可將崔應階原摺鈔寄於各督撫奏事之便傳諭知之欽此欽遵隨奉飭據各府州請將江西各屬民壯一體改習鳥鎗竝據申報所屬民壯將老弱之人悉行裁汰另募精壯充補此輩年力正強會同營弁一體教演鳥鎗自易純熟竝無難行之處遇閱兵之便將經過各縣逐一認真考驗分別生熟酌加勸懲并將州縣核計功過申報查考定爲章程斷不令其虛應故事以收實效等由經前撫憲奏明欽奉

硃批俞允移行欽遵查辦并經據前司議詳應設鳥鎗

已將原設弓箭長鎗變價并捐廉製造齊全毋庸請
動款項所需火藥砂子查民壯一役額給工食銀六
兩之外有修理器械銀二兩卽於此項銀內通融辦
理但應用火藥每年每名需用五斤統計一縣所需
爲數亦屬不少請令各州縣移營搭製將用過數目
於年底造冊報查等情由詳奉前撫憲批允通行遵
照并飭將額設民壯名數每年操用火藥所需硝磺
各數一并查明統以乾隆三十四年爲始於請買匠
硝民磺之時在於各民壯修理器械銀內照依定價
批解一併彙詳委員分往購買俟領回移營配製分

給民壯畱心練習隨營操演務期純熟以資防守而
收實效等由詳請咨明工部立案乾隆四十二年三
月內欽奉

上諭據國泰奏各屬民壯烏鎗應令實力操演以收實
用并嚴定營員處分一摺此所謂知其一不知其二也
各省地方設立民壯所以巡緝盜匪防護倉監原欲其
協助營兵同資守禦但民壯之設本係由鄉民召募充
當雖係在官究與入伍食糧者有閒况火藥所關甚鉅
亦不便散給人役若概使習烏鎗并令熟練進步連環
之法於戢暴防奸之事竝無裨益况各省訓練純熟火

器者多人則又不可不預防其弊卽如前年山東逆匪王倫滋擾一事幸若輩烏合之眾不善施放鎗砲所以一舉殄平此其驗也國泰此奏不必行其各省州縣既有額設民壯自當嚴飭有司盡心訓練操演尋常技藝與兵等同資捍禦以收實效其烏鎗一項不必演習將此諭傳諭國泰并遇便寄諭各省督撫知之欽此欽遵札司轉飭各屬民壯烏鎗概令停止不必演習并議覆買回民壯各年礮礮飭領歸還原借之款應令照舊改製原設刀箭長鎗等項會同營兵按期訓練務臻純熟等由詳奉批令繳回烏鎗銷鐵有限收貯縣

庫等因飭遵各在案今據吉水縣彭令稟請於額設民壯之外添募民壯五十名官爲捐造烏鎗令其練習其火藥鉛子等項移營搭配按季捐移工價及修理烏鎗器械添製號衣每歲共需三百餘金又添設民壯專責操演每名日給口糧銀三分每年共需銀五百四十兩除請領歲給工械銀兩外自行添捐銀四五百兩則一邑有五十枝烏鎗民壯洵足以禦盜賊等情稟奉憲台案開批令本司等會核妥議通詳察奪等因本司等覆查烏鎗一項原屬捍禦地方利器較之別項技藝可以制遠營兵之外若令民壯練

習鳥鎗協同防守洵爲有裨今吉水縣彭令聞楚北
匪徒滋事多賴鄉勇之力皆由各州縣額設民壯無
多之故稟請添設民壯操習鳥鎗以資捍禦自屬因
時制宜畱心地方起見且所需增添工食置備各項
費用該縣并願捐辦尤見急公卽隨營操演亦無違
礙可期不致別滋事端惟是州縣民壯向習鳥鎗自
山東王倫逆匪滋擾後曾奉

上諭不令民壯學習鳥鎗遂爾停止今湖北教匪滋
擾事同一轍若因此而添設民壯復令演習鳥鎗既
與前奉

諭旨不符且添設民壯製造鳥鎗火藥器械號衣工
食等項一縣應需捐銀七八百兩或四五百兩不等
在缺分較大官亦賢能自屬優爲若缺本疲蔽而人
又退縮殊難望其踴躍將事久而無懈矧州縣添設
民壯復習鳥鎗應行流傳交代自非詳請憲台剴切
奏明不便在外准辦所有該縣稟請添設民壯捐辦
鳥鎗令其演習之處似有難行至據稱現在民壯於
弓箭刀矛技藝皆屬茫然此皆地方官平日怠於講
求所致本司等惟有通飭各府州縣逐日確查額設
民壯如有老弱短缺應令速爲分別挑選募補務期

一律精勇足額以杜有名無實如因原額無多或於
阜快各役中擇其年力壯強之人竝充民壯捐資添
給器械按期與民壯一體演習技藝以資捍禦亦各
就本地情形酌量辦理如此庶與原額不致浮溢而
兼習民壯之人本係在官人役較之額外募增者易
於約束免滋事端且各役原有應給工食毋需捐給
似屬省便易行緣奉飭議是否允協理合會文詳請
憲台俯賜核示以便通飭遵照辦理

稟各憲籌辦倉穀

竊照吉邑歷任未經買補倉穀一萬二千石職到任已
將兩載屢蒙憲臺諄切訓示夙夜未嘗去心上懼無以
副大人體

國之心下慮無以備民食綢繆之計茲荷察查酌量扣
存職司庫領款三千六百兩仍飭職措備三千八百兩
共足一萬二千穀價以期買補齊全敢不盡心竭力稍
効愚忱目下早禾豐登糧價平減正可採買之時職現
於地方有酌辦情形輒敢臚請訓示查吉邑文昌折桂
兩鄉陸路一百二十里水路近二百里田野饒沃爲一

邑產穀之區有白沙水北兩倉該二鄉漕米卽在彼處徵收秋冬之際灘涸水淺每船僅可載十一二石或七八石不等七八日始運至縣城歸於大船計該二處米五千餘石船隻數百輪回數次無不偷盜發水持之稍急則掉舟而遁或船在人亡舍此船又無他船可運是以吉邑歷來漕務米色平常到省遲滯實緣於此職蒞任兩屆雖黽勉無悞然究無全策今年瞬屆開倉又正須採買之時職六月中旬因公至該二鄉士紳來謁氓庶聚觀之際傳其知事之人詢以漕務事宜并採買之事且諭以若卽以穀交倉趁此大水容易運出且可免

船戶發水之弊官卽以採買之銀就近買米兌軍則倉穀旣全漕米又好又省採買之事洵爲官民俱便之道士民俱欣然稱善職隨回署因移委署丞何炳赴鄉經理現在已有端緒惟是職因急公便民起見未免暫改舊章且民便官便而向來於漕事倉穀思得染指之人必多不便則阻擾又爲可慮合無縷悉稟請憲鑒至於職仰受渥恩稍知自愛期盡職分之事斷無不肖之心若其可行俟倉穀齊全卽將措備穀價竝請領扣存款項就近辦米兌軍則於倉穀有濟而於漕務較往年自當倍得妥速愚昧之見倘未合事宜仍俟奉到訓飭另

行措辦不敢致有遺悞也

請酌改水北白沙漕務章程申文

吉安府吉水縣爲詳請酌改水北白沙收漕章程以便
小民以紓公累事竊照吉水一邑漕倉分爲八處其三
曲灘一倉於乾隆二十四年經金前令詳准裁併於今
尙有七倉一在城北門外名曰城倉一在與廬陵交界
之張家渡地方離城七十里名曰張渡倉一在桐江塘
地方離城六十里名曰桐江倉一在與峽江交界之佳
岐地方離城八十里名曰佳岐倉一在與永豐交界之
丁江地方離城五十里名曰丁江倉此五倉者於運兌
均無妨礙惟一在水北地方名曰水北倉離城一百六

十里一在永豐沙溪交界之白沙地方名曰白沙倉離城一百八十里俱由張渡小河溯流而上溪流一線灘高石稜稍大之船卽不能到二倉漕米向係該地小船裝運至城次交替大船運省而該處小船又有本埠外幫之別本埠船止二三十隻每船僅裝米十餘石水淺僅載七八石外幫船隻更小且欲私帶客貨更不如本埠之船該二倉每歲計收米五千五百餘石每歲八月開倉十一二月方能收竣先用縣官名帖請各該船戶飲食數日然後齊幫冬晴水涸往來十數次方得運竣其米概行潮溼甚至霉變不堪職到任之後查悉各情

形始而重加脚價次年重加懲治雖略有起色尋復如故至第三年則於脚價之外復懸重賞查驗米色不壞者每石酌賞四五至七八十文不等計捐賞每年無慮數百千然加脚價始雖少知感恩已卽以爲故事加重賞初亦激發天良旣而合算總不若偷竊之多得而直捷也則寧不得賞於是重予枷杖或以三木從事又蠢然若禽獸則取尤甚者碎其船隻所值亦不過四五千文且操之大威而磨驚鳥散一葉遠颺卽該二倉之米萬無得出之理是以歷任之官因此二倉之米賠累者居多卽職拮据心力僅免貽悞訖無善策是公事之

受累由於小船亦該二倉之勢然也至於小民上米之時其受累又在於該倉附近之包戶每屆五六月早稻將收之候向爲包戶之地棍生監等向各都各戶先量穀石或交給錢文代爲完納或朋買穀石礮米千數百石以待至出示開倉親丁經承等赴彼處一二日伊等之米卽蜂擁入倉旣無易知糧單亦無花戶名姓少加詰問卽嗔目斥詈莫敢誰何米旣進倉一哄而散十日半月絕無人跡該經承等輒用官帖逐一請至倉中設飲食數日又旬日始放附近一二花戶入倉完納而該包戶等米雖醜溼輒總數掙交俟伊等得有戶頭然後

分票填給所以該倉之米若使花戶能上不過十日完竣爲伊等把持之故以至二三千米之倉需三四月之久而遠都良善擔負而至不能入倉等待旣久勢不得不賤售伊等及至代爲完納浮冒多開吞聲難訴但能得串寧家已屬萬幸其先交錢穀各戶多有良善可魚肉者公然乾沒迨至摘欠追呼往往含恨再完能控訴者百無一二此小民之受累於包戶者亦該倉之勢然也職查該鄉山水隱秀風氣完固向稱爲士秀民淳其在於前明爲衣冠之藪自中葉以後士夫節概漸衰里居多苟利蠅營其帶糧投入戶內者一都之中十常六七

是以多就所居之處建言設倉名爲便民其實以便其
私家便其私人而良善之民轉爲不便以迄於今而公
事之不便且萬無可解也現當

功令肅清漕政之時米色尤爲緊要職歷任有年旣洞
悉情弊不敢因已蒙 卓薦將次卸手一得之愚知而
不言伏查乾隆二十四年及五十四年前令金渭朱乘
雖會各有併倉之請旋奉駁飭議仍舊制職之鄙私併
倉或有不便於民改折價實無不便猶如建昌府屬瀘
溪縣因水運維艱定價折色該二倉若仿照辦理則包
攬把持發水竊米之弊無所施其伎倆在公在民均得

其便但瀘溪買米係先由藩庫墊銀採買後徵解歸款
該白沙水北地方爲吉邑產穀之地五六月早稻登場
廬永商販不絕若於七月開徵錢糧之際聽其一併完
納於糧戶甚便及至各倉米運省之際亦可將該二倉
折色收齊免致又由藩庫墊款是否可行理合具文詳
請憲台察核委員查勘核實詳咨俾永定章程實爲德
便再職於一月以前早已詳悉出示曉諭該二倉各都
花戶若有別策可運乾米到縣卽可不必改作茲於五
月初十日復差經承妥役四人另諭逐戶詢問令其稟
覆皆稱實無善策約於半月後赴稟等情現因時日已

秋潭外集卷第十一終
公牘
近不便遲延爲此云云

秋潭外集卷第十一終

秋潭外集卷第十二

啓

長陽

彭淑

秋潭

迎福公相啓

相門世系戚里名賢功業蓋天下所知名德爲勳賢所
少今者祝

釐丹陛承慶

彤廷征南海以撫蠻夷率賁琛而入貢觀

北闕而祝純嘏冠臺鼎以承

恩禮異公孤勳兼將相

一人有慶四海具瞻

迎撫軍啓

奏對從容欣睹

天顏之喜

恩賜稠疊頻承

帝賚之殊戀

北闕以鳴珂

乾清肅觀指西江而載節

巽命重申當三月維莫之春正八駟還轅之會飛花迎

蓋垂柳拂旌嶽雲惹

玉爐之煙湖雨潤金莖之露兆民額首羣吏傾心

迎中丞

海岱鍾靈星辰儲秀四海望其霖雨

九重用作夔龍惟此江壖久霑河潤羊城膏雨遙飛庾
嶺之春蠡水恩波近接皖公之誦共慶鈞陶之得所欣
榮戟以非遙職志切瞻依身沐陶鑄快星雲之增麗仰
山斗而知歸負弩歡欣瞻旌踴躍

迎方伯

恭惟仰承世德備荷

國恩秉舊德以旬宣棠陰佈

聖人之政承

新恩而述職

楓宸近

天子之光雖願值承明之廬而益重北門之寄人瞻仙

氣嶽雲更惹爐烟地接恩波湖雨遙飛湛露喜溢薇省

望滿中臺羣吏傾心兆人額首

謝撫軍啓

二月十六日奉本府轉奉藩司轉奉憲案行知職補署
吉水縣已准部覆捧檄之下感惕交深伏念職荆楚凡
材菰蘆下士竊祿章水曾無片善之稱負米蓬廬徒抱
十年之悔迨重辭於漢水遂載覩夫廬山獲倚大賢山
斗之尊得出至公鈞陶之下蒙茲劇邑震其非才茲蓋
伏遇閣下一德雲龍四海霖雨應北斗以司天喉舌鎮
南邦而作

帝股肱過江以前名士傳於海內入洛而後哲人實應
嵩生蓋意氣則元龍無雙而功德復大邱第一况謝家

之琳琅滿目而鯉庭已桃李成陰照耀人寰潤澤天下
從此江南開府風流不數於縣津定卜洛下耆英兒童
皆知其司馬職生於部婁長自蒿萊曾無竹頭木屑之
材猶思馬勃牛溲之用何期小草遽沐深仁初承乏於
文江得載邀夫

恩命皆由閣下葑菲是採菅蒯不遺弱植之噓春風枯
芟之潤時雨感深覆載凜切冰淵唯此邦實文章節義
之區在今日當衝繁疲難之會雖維艱於藉手尙永矢
以盟心惟有矢慎矢公克勤克儉從人以欲敢得罪於
羣黎愛物存心期無愧於一命庶竭黽勉之力以酬知

遇之恩得倚蒹葭是傾葵藿

上童學使啓

秋闈欣逢閣下持節掄才淑猥以庸陋充厠趨走得
以恭奉起居躬承訓誨一月有餘有以仰見大君子穆乎
大臣之度粹然儒者之容甄量羣材如明鏡之屢照嘉
予後學如春風之和吹極愼極公至明至當淑識闡學
疎日夕滋懼荷蒙閣下曲示優容多方假借俾得免於
隕越風塵末吏忝竊欣幸方以不得長侍左右爲歉旋
於闈中恭聞督學南州

恩命歡忭之懷如何言喻也伏唯閣下詞林龍虎臺閣
圭璋早歷金閨久持玉尺白蓮肆照西江懸卿月之輝

珠箔高舉南斗慰星雲之望文章節義式淬礪於名邦
禮樂詩書且霑濡於下吏以斯鼓舞曷勝歡忻淑猥以
瓦礫得近甄陶深悔十年之書兼愧一行之吏倘不爲
竹頭木屑之棄得比於牛溲馬勃之材則從此受賜無
涯而承教有藉矣

上戴侍郎啓

前年大旆自粵東還

朝道出文水淑得迤迆在干仰瞻玉貌乃荷謙光下逮
枉駕臨存欽道範而頌德音下吏曷勝光寵自恭送行
旌以後依溯雖懃未能泐緘肅叩起居而數載以來好
音頻聞歡動江右在於未吏庶抃彌深伏惟閣下仰承
家學世受
國恩以經術爲文章且舉而措諸事業以忠孝爲根柢
夫豈惟不愧科名惟
帝股肱司

天喉舌謹慎小心而參

密勿清通簡要而掌銓衡快覩星雲行將霖雨式慰羣情之祝頌寧惟一己之歡欣淑荆楚凡材豫章下吏幸因忝出師門得以請謁叨領訓誨碌碌風塵空然慚汗自念西江十有三年吉水已經七載左支右詘處處代人受累雖在公無負而私逋益身又因曾讀詩書稍知廉恥既恤民隱亦念

國恩責任既重措手維艱去就雖輕奉身不易惟勉守

涇涇保全太來以求無得罪於大君子所以報也

堯舜在上夔龍一堂

維新之政四海延頸閣下鐘鼎竹帛之勳此其時矣不勝引領頌禱之至

上沅稼門方伯啓

恭惟閣下大厦棟梁中流砥柱以文學節吏事本忠孝
爲經綸鄭大夫不事少寬漢廷臣無出其右

殿廷重其風采爲萬民所望吏民樂其旻幪曰眾人之
母昔楊綰入相而貴戚泥樓其裳清德而方鎮斂手在
于今日豈惟古人八閩興來苒之歌雙江有難畱之恨
懷誠頌禱戀別謳思職學無根源心懷悃悞方幸師資
之有藉遽悵步趨以末由尊所聞行所知敢曰十年之
悔居其官盡其職期存一命之心惟當益勵冰淵所以
仰酬知遇

上陸觀察啓

恭惟崔盧世系王謝雲初家譜垂竹帛之書

國恩炳丹青之信白雲瑣欽南省之鴻聲錦纜牙樯
懋西江之偉績惟茲良月一啓瓊筵千載一時正際生
申之會六身二首欣逢建亥之辰百尺高樓六龍下食
公慚卿卿慚長啓琅函而月口一盈書難爲弟難爲兄捧
兕觥則瓊瑤觸目歡騰僚屬慶溢軍民

上高耘圃先生啓

淑七月中也，楚省來江候補八月下旬奉委署吉水縣事，已于八月二十一日由水程赴任。知厯鈞念合亟稟聞，恭惟東魯舊姓南海名宗，碎金掩八斗之稱，片玉輝列宿之上，迴翔畫省，荀令君之帶鑪薰緹襲青箱，杜征南家武庫門地重於城南，韋杜治譜傳爲江右，龔黃欣聞棠烏之歌，溢於章貢行見干鏌之氣，辨其斗牛，淑荆楚凡材，豫章末吏，巖邑切治絲之懼庸材，厯製錦之羞唯矢潔白之心，敬受丹青之染。

賀蔭耘圃先生陞任迤西道啓

前因交務來邛荷蒙宏開綺閣寵錫華筵飲食教誨飽
德銘心於時台臺然、翟喜音已經到郡淑雖鼓舞歡欣
而一念迴想悵然如有所生、叩辭回縣旬日以來中心
至爲耿耿昨接徐令札知滇南好音已確翹首青雲祗
深欣戀恭惟夙承家學早蔚

國華粉署傳雞舌之香黃閣擅鳳毛之譽遙瞻列宿實
維喉舌之司遂把一麾來守股肱之郡以儒術飾政治
本忠孝爲經綸不圖古人見於今日褰帷方慰萬民之
望題屏早簡

一人之心晉秩監司移節滇水雙江之風雲變色挽之
難留六詔之草木皆春歌也來莫所望屏藩伊邇開府
重來祗以馨香望其蒸蔚庶幾黃童白叟再瞻棨戟之
臨豈但墨綬銅章共出鈞陶之下惟是淑初臨字水喜
傍文星瞻言離旌粉披別緒竹頭木屑思料理於大匠
之門而下乘駑駘猶遷延於治樂之顧中懷依戀何罄
名言

上即陽王大守啓

烏衣舊望鏡水名家報最循良元本經術女王城下雙
鳧蜚清白之聲郎子羽中五馬奏龔芟之績邇當軍書
旁午民事艱辛既歷歲年戶一塵

宵旰潢池之烽火未息漢上之萑蒲彌多必也無媿擊
鼓之聲庶幾更聞絃歌之化龍渤海流芳青史此淑與
楚人士所爲馨香以祝也

解崇仁縣署舊砲位上中丞啓

惟茲利器久在沈淪百年有不用之時五材無可去之
理若爲加之料理可備干城抑或別賜陶融鑄爲農器
鑪錘在手躍冶無心

賀神軍姚大夫人壽啓

鍾郝禮法王射雲初精靈則南嶽夫人位業有西池阿
母起居八座寶婺_星電台星拜賜五雲賢母欣霑
聖壽躋堂春酒乍啓黃封_人側綵衣正薰朝服中朝羣
推教孝教忠之望天下皆有_人母是子之稱

賀雪

十二月二十七八兩日得雨後連日北風彤雲密布三十日戌刻得降瑞雪至元日辰刻積厚五寸風靜寒嚴勢未卽已四野皆遍兆民共騰竊以霰集饑年之夕雪飛迎歲之辰平地尺爲暎五寸而作頌先春十日符六出以占年雨金兩珠曷云得訖飛花飛絮是謂宜春多黍稌以屢豐茅茹而交泰上日臚歡下風稱慶

賀正小箋

東風應律分、入椒花臘雪占年春先薺菜遙維某兄集
慶揮絃之下臚歡正綵之辰萬戶春鐙先試傾城竹馬
廿番風信又開一縣桃花正

北關以承恩祝東風其著力正欣茲上日竊在下風忝
邾莒之邦國云陋矣附兄弟之政彼有人焉庶藉升華
同符

禾澤

秋潭外集卷第十二終



